

## نومہ یعقوب

۱

۱ دِ لَا یَعْقُوبَ، عَلِّمِ خُدا وَ عِيسَى مَسِيحِ خُداوند،  
وَ دُوازَه طَایفَه كِه دِ دُنیا دَارْتِیج بِنَه.  
سِلام وَ شِما!

### اِمْتَحُونِ اِیْمُو

۲ بَرارُونِم، هِه كِه وَ اِمْتَحُونِیا جُور وَ جُور رِیُورِی مَوئیت، تا تُونِیت خُشال  
بایت! ۳ سی یكِه دُونِیت اِمْتَحُونِ اِیْمُونِ شِما، سِئُو پَیاری وَ بار می یازَه. ۴ پَس  
بئیلِیت اِی پَیاری كَارِ خُوشَه تَمُوم وَ كَمال بَكِه تا بَالِغ وَ كَامل بایت وَ چِیئِ كَم  
ناآشتوئیت. ۵ آر یكی دِ تُو مُتَاج حَكَمَت با، دِ خُداپی باحا كِه وَ دَس دِلِوازی وَ بِي  
سِرَكُوفت وَ هَمَه عَطَا می كِه، وَ وش عَطَا مَوئَه. ۶ آما وَ اِیْمُو باحا وَ هِیچ شِكی وَ  
خُوش رَه نِنَه، سی یكِه وَه كِه شِك دَازَه، هِه چِی مُوج دَریا آ كِه وَ اُومَیْنِ بای،  
مِ رَه وَ هَر لَای وَ هَا دِ تَلاطُم. ۷ چنی كسی گَمُو نَكِه كِه دِ خُداوند چِیئِ وَ دَس  
می یازَه، ۸ او اِیْمِ دو وَ شِكی آ كِه دِ گِردِ كاریاش هُو كِی هُو كِی آ.

۹ بَرارِ ژار وَ سَرَفِرَازِیش اِفْتِخار بَكِه، ۱۰ وَ بَرارِ دُولَه مَن وَ اُفْتابِه ئِی خُوش، سی  
یكِه هِه چِی گُل صَرا عُمَری نازَه. ۱۱ هِه چَنُوكِه اَفْتُو وَ سَوِیرِش دِرمِیا، گِیا نِه  
حُشك می كِه وَ گِلس می رِیزَه وَ قِشَنگِیش دِ بِنِ مِ رَه، هِه وَ چنی دُولَه مَن هَم گِردِ

چيائيٰ که دِ زنه نيش ها دِ دُمسُو ، رَلَم موئِه وَ دِ بين مي رِه .  
 ۱۲ خُشالِ وَه که دِ اِمْتَحُو طاقت مي ياره ، سي يکه هه که دِ اِمْتَحُو سَرِيلِن بَگه وَ  
 دَر ، هه او تاج حياتِ نه وَ دَس مي ياره که خدا وَ دُوستاريا خُوش وَ عَدَه دِئِه .  
 ۱۳ هيشگه هه که وسوسه موئِه ، نُّئِه : « يه خدا آ که مه نه وسوسه مي گه ، »  
 سي يکه خدا وا هيچ گني اي وسوسه نموئِه ، وَ کسي نه هم وسوسه نمي گه .  
 ۱۴ اما ، هه که يکي وسوسه موئِه ، يه نفسِ خُوشه که گولش مئه وَ مُونَش دِ تَلِه .  
 ۱۵ اوسه ، نفسِ که اوس با ، گنه مي زائِه وَ گنه هم هه که گپ بوئِه ، مرگ وَ بار  
 مي ياره .

۱۶ برارونِ عزيزم ، گول نُوحوريت ! ۱۷ هر پيشگش خو وَ هر پيشگش کامل دِ  
 بالا آ وَ دِ لا بُوَه نيريا مي يايه وَ هار ، هه او خدائي که دِ او نه تغييری هي وَ نه اثری  
 دِ سا تغيير . ۱۸ او وَ طبقِ حاسه خُوش دِ طريقِ کَلُومِ حقيقتِ ايما نه وَ وجود  
 آورد تا ايما هه چي نُوبرِ آفريده ياش بايم .

### اِسْتَفْتِه وَ وَجا اُورِدِنِ کَلُومِ

۱۹ برارونِ عزيزم ، حواستُو با : هر گه بايس دِ اِسْتَفْتِه تيز با ، دِ قِصَه کِرِدِه اَرِم وَ  
 دِ غيَضِ هَم سُس با ! ۲۰ سي يکه غيَضِ ايمِ نِمِيْلِه هه چُنُو که خدا مي حا ، صالح  
 بايم . ۲۱ پس هر جور گني وَ هر اثری دِ شَرارِتِ نه دِ خُوئُو دِير بَکيت وَ وا  
 اُفتايه نِي ، کَلُومي نه که دِ شِما کاشِتِسِه وَ نُئِه جُونُئُو نه نجات بِنِه ، قبول بَکيت .  
 ۲۲ اما وَجا اُورِنْدِه کَلُومِ بايت ، نه تَنيا شَتُونَدَش ؛ خُوئُو نه گول نِئيت ! ۲۳ سي  
 يکه هر گه که کَلُومِ نه مي شَتُوئِه اما وَه نه وَ جا نِمِي ياره ، هه چي کسي آ که دِ آينِه  
 سيلِ رِي خُوش مي گه ۲۴ وَ خُوشه دِ وَه مِئِنِه ، اما تا دِ وَرِ آينِه دِير موئِه ، دِ  
 وِريش مي رِه که چَطُور قيافه اي داشته . ۲۵ اما وَه که چَشِش ها وَ شَرِيعَتِ کامل  
 که هه او شَرِيعَتِ آزادي آ ، نه تَنيا وَه نه دِ وَرِ چَشِش دِير نِمِي گه ، وَ شَتُونَدِه  
 فِرَاموشکاري ني ، بَلِکَم وَه نه وَ جا مي ياره ، او دِ کارِ خُوش هورِم موئِه .  
 ۲۶ وَه که خُوشه ديندار دُونِسُوئِه ، اما اُوسارِ زُوُونِشِه نا اِشتُوئِه ، خُوشِه  
 مي فِرِيوَه وَ دينداريش ارزشی ناره . ۲۷ دينداري پاک وَ بِي عيو دِ تِه خدا ، بُوَه  
 اَسْمُونِي ايما ، يَنِه آ ، که دَسِ اَفَرْتِيا وَ يَتِميما نه دِ موقِعِ چَمَرِ بئِريم وَ خُوْمُو نه دِ  
 فِساتِ ابي دنيا دِير نِنِه داريم .

## دو چشکی نکیت

١ برارونم، شما که دِ ایمونټو و خداوندِ مو عیسی مسیح، خداوندِ پرچلا لِمُو  
فُرس چسپسیتته، دو چشکی نکیت. ٢ سی یکه آر یکی وا انگشترِ طلا و جومه خو  
و قیمتی بیایه و مین جمعئو و ژاری هم وا جومه نیمدارِ چرکوئی بیا وامی، ٣ و آر  
شما وه که جومه قیمتی دِ وِر دازه نه بیشترِ تحویلِ بیثیریت و وش بُئیت:  
«بفرما بَنشی دِ اپی جا خو»، «آما و ژارگه بُئیت:» «تو هه بس اوچه!» و یا:  
«بَنشی ویچه هارِ پایا مه»، ٤ یعنی شما دِ مین خوتو دوچشکی نکردیتته و وا  
نیتِ گن قضاوت نکردیتته؟

٥! برارون عزیز، گوش بیثیت! مَر خدا ژاریا اپی دنیا نه ورنچیه تا دِ ایمو دُوله من  
بان و پاتشاپی ای نه و میرات بوزن که او و دوستاریا خوش و عده دته؟ ٦ اما شما  
ژاریا نه بی فرپ می کیت. مه یه دُوله من یا نیسن که و شما ظلم می گن و شما نه  
می گشن و محکمه؟ ٧ مه ینو هه و نو نیسن که و او نوم شریف که نیایِ ه بیه و  
ریتو، کفر می گن؟

٨ آر شما و راسی او شریعتِ شاهونه نه طبقِ اپی نیسنه تورات و جا بیاریت که  
فرمایش می گه: «همساته هه چی خوت دوس داشتو»، کارِ خویی می کیت. ٩ اما  
آر دو چشکی بکیت، گنه می کیت و شریعت، شما نه تصقیرکار دونه و مکومئو  
می گه. ١٠ سی یکه هر گه که تموم شریعتِ نه نئه می یازه اما تنیا دِ یه چی بَسره،  
تصقیرکار آ و جرمش ایشکینائینِ گردِ شریعت آ. ١١ سی یکه وه که گت: «زنا نکو»،  
هه چنی هم گت: «قتل نکو». تو هر چن زنا نکی، اما آر قتل بکی، شریعتِ نه  
ایشکینائیه.

١٢ پس هه چی و نونی قصه بکیت و رفتار بکیت که دُون و پایه شریعتِ  
آزادی، و ریشو داوری موئه، ١٣ سی یکه داوری خدا نسوت و وه که رم نکردونه،  
بی رم موئه. رم و داوری غالو موئه!

## ایمون بی عمل مُرده آ

١٤ برارونم، چه سودی دازه آر یکی ادعا بگه ایمو دازه، اما عمل ناآشتوته؟  
یعنی چنی ایمونی تونه نجاتش بئه؟ ١٥ آر برار یا خوری هوجش و لباس و  
خوراکِ روزنه با ١٦ و یکی دِ تو وشو بئه: «رتو و سلامت، خوتو نه گرم نئه  
داریت و سیر بوئیت»، بی یکه سی رفع هوجه یاش کاری بگه، چه سودی دازه؟

۱۷ پس هِه و چنی ایمو و تئیای و بی عمل، مُرده آ.

۱۸ اما یِکی مُئه: «تو ایمو داری، مه عمل دارم!» تو ایمونته بدون کاریات و مه نیشو به و مه هم ایمونیه وا کاریام و تو نیشو مئم. ۱۹ تو های و اپی باور که خدا یِکی آ. خومی کی! حتی دیویا هم یه نه باور دارن و د زله، رِک رِک مِفته و شو!

۲۰! نایو، می حای دُونسوی سی چی ایمو بی عمل بیخود آ؟ ۲۱ مَر جَدِ ایما ابراهیم، وارد کاریاش نوی که صالح و جسو اوما، اوسه که گر خوش اسحق نه و مذبح پیشکش کرد؟ ۲۲ مئینی که ایمو و کاریاش وارد یک عمل می کِردن، و ایمون او وا کاریاش کامل بی. ۲۳ و او نيسنه تورات حقیقت پیا کِرد که مُئه: «ابراهیم و خدا ایمو آورد و یه سیش صالح بیه و جسو اوما»، و او دوس خدا حته بی. ۲۴ پس مئینیت که ایم وا کاریاش آ که صالح و جسو می یا، نه وا ایمون تئیا.

۲۵ هِه و چنی مَر راحاب لکاته نوی که وارد کاریاش صالح و جسو اوما، اوسه که و قاصدیا پنا ده و ونو نه د رَهئی هنی رای کِرد؟ ۲۶ آ، سی یکه هِه چنو که بدن بی روح مُرده آ، ایمو هم بی عمل مُرده آ.

۳

## رُم کِردن زوُو

۱ پِرازونیم، نَگه که بُری دِ تُو دِ دُم یه بان که معلم بوئن، سی یکه دُونیت که و ری ایما معلمیا، سخت تر داوری موئه. ۲ سی یکه گِردِ ایما دِ خیلی چیا میسوریم و مِفتمیم و زعی. آر یِکی دِ او چیئی که مُئه نَسوره و نِفته، او آیم کاملی آ و تُوئه تَمومی وجودِ خُوشه ماهر بَگه.

۳ آر ایما وَا لَغَم نیایه و ری گِب اسبیا، و نو نه مطیع خُومو می کیم، هِه چنی تُونیم تَموم بدن حیوو نه و هر لا بُوریم. ۴ هِه و چنی هم سیل گشتی یا بکیت! سَکان گچکی تُوئه گشتی گپی نه که تئیا بایا سخت او نه تَکو مئن، بوره و هر لابی که ناخدا باحا. ۵ هِه و چنی، زوُو هم عضو گچکی آ، اما ادعایا گپی دازه. پریسگه گچکله ای تُوئه تَش بنیه دِ جنگل گپی. ۶ زوُو تَشی آ؛ دنیایا ا پُر دِ شرارت. زوُو دِ مین عضویا بدنموئه، که گِرد وجودمو نه مئی ره دِ وِر و گِرد زنه ئیمو نه می گشه و تَش - تَشی که جنم گر نیایه دِش!

۷ آیم همه جور حیوو و بالته و خزنده و جُونور دریای نه رُم می که و رُم کِرده، ۸ اما هیچ آیمی تُوئه زوُو نه رُم بَگه. زوُو شرارتی آ تور و پُر دِ رُر گَشنده!

۹ وا زوونِ خُوْمُو خداوند وَ بُوَه آسْمُونِي نِه هورِم مُوحُونيم وَ وا هِه او زوُو  
 آيميايي نِه كِه وَ شَبِي خدا آفَرِيَه بيئَه، لَعَن مي كيم. ۱۰ دِ يِه گَب، هَم ستايش  
 مي گَه وَ دَر، هَم نَفَرِي! بَرَاوِنِم، نَشاسَه آچني با. ۱۱ مَر موئَه دِ چَشْمِه اِي، هَم او  
 شيري بَگَه وَ دَر، هَم او شور؟ ۱۲ بَرَاوِنِم، مَر موئَه دارِ انجير، زِيئُو بَئَه؟ يا دارِ  
 مو، انجير بَئَه؟ هِه وَ چني هَم چَشْمَه شور نَتُوئَه او شيري بَئَه.

## حکمت دِ آسْمُو

۱۳ كي دِ مِينِ شِما حَكِيم وَ دُونَا؟ بَيْلِيَت وَ هِ كَارِيَا خُو خُوِشَه وَ اُفْتايَه ئِي اِي كِه  
 دِ حَكْمَت سِرْچَشْمَه مئِي رَه نِشُو بَئَه. ۱۴ اَمَا آر دِ دِلْتُو حَسِيدي وَ غورْتِي دَارِيَت، وَ  
 خُوئُو نُنِيَت وَ غِلَافِ حَقِيَقَت چِنَه نَزْنِيَت. ۱۵ چني حَكْمَتِي دِ آسْمُو نِمِي اِي، بَلِكِم  
 زِمِينِي وَ نَفْسَانِي وَ دِ لَا شِيْطُوئَه. ۱۶ سِي يَكِه هَر جا حَسِيدي وَ غورْتِي با، دِ اوچَه  
 بَلُوا وَ هَرگَه هَر كِي اَو هَمَه جور كِرْدَارِ گَن هَم هِي.

۱۷ اَمَا او حَكْمَت كِه دِ آسْمُوئَه، اول پاك آ، اوسَه صُولِ طَلَبِ وَ آرُوم، حرف  
 گوش كُو، وَ لُوبَرِيْز دِ رَمَتِ وَ ثَمَرِيَا خُو، وَ بَرِي دِ رِيَا وَ دُوچَشْكِ اِ! ۱۸ صَالِحِ بِيَه،  
 مَصُولِي آ كِه دِ صُولِ وَ صَفَا، وَ دَسِ صُولِ طَلَبِيَا كَشِسَه موئَه.

۴

## خُوئُو نِه دِ دُوسِي دُنِيَا دِيرِ نَئَه دَارِيَت

۱ دِ كَجَا قِي وَ مِرَافَه مِفْتَه دِ مِينِئُو؟ مَر نَه يَكِه دِ نَفْسِئُوئَه كِه دِ مِينِئُو، هَا دِ  
 نَزَاع؟ ۲ تَمَارَزُو چِيئِي هِيَسِيَت وَ نَارِيَت. پَس قَتْلِ مِي كِيَت، طَمَعِ مِي كِيَت وَ  
 نَتُونِيَتِ وَ دَسِ بِيَارِيَت. پَس قِي وَ مِرَافَه مُنِيَتِ وَ رَه. نَارِيَت، سِي يَكِه دِ خدا  
 نِمِي حَايَت. ۳ شِما دِ خدا مِي حَايَت، اَمَا نِمِي رِيَت، سِي يَكِه وَ هِ نِه وَ نِيَتِ گَن  
 مِي حَايَت تَا عَرَجِ عِيَاشِي اِي خُوئُو بَكِيَت.

۴ اِزْناكارِيَا، مَه نَتُونِيَتِ دُوسِي وَ دُنِيَا دُشْمَنِي وَ خدا؟ پَس هَر گَه دِ دُمِ دُوسِي  
 وَ دُنِيَا آ، خُوِشَه دُشْمِنِ خدا مِي گَه. ۵ اِي گَمُو مِي كِيَت نِيَسَنَه مَقْدَسِ يَه نِه سِي  
 خُوِشِ گُتَه كِه: «خدا نِسَوَتِ وَ رُوحِي كِه خُوِشِ دِ اِيْمَا نِيَايَه، غَيْرِ زِيَادِي دَارَه.»  
 ۶ اَمَا خدا خِيَلِي بِيَشْتِرِ فَيِضِ مِئَه. زُوتَا نِيَسَنَه مَقْدَسِ دِ اِمْتَالِ سَلِيْمُو مِئَه:

«خدا دِ وَرِ آيمِيَا غورْتِ مِسَه،

اَمَا وَ اُفْتايَه اِي فَيِضِ مِئَه.»

۷ پَس تَسْلِيمِ خدا بَايَت. دِ بَرُورِ اَبَلِيَسِ بَسِيَت، كِه دِ شِما مِي جِيئَه. ۸ وَ خدا

نَزِيكَ بَايْتِ، كِه خدَا هَم وَ شِمَا نَزِيكَ مَوْتَه. اِ كُنْهَ كَارِيَا، دَسِيَا پَلِكِسَه دِ كُنْهَ تُو نِه  
 بَشُورِيْتِ، وَ اِ دُو وَ شَكِيَا، دِلْ خُوْتُو نِه پَاكْ بَكِيْتِ. <sup>9</sup> بَغْتِيْتِ وَ حَالِ زَارِ وَ سَرْمُوَه  
 بِيَارِيْتِ وَ گِرِيُوَه رُو بَكِيْتِ. خَنَه تُو بُوئَه وَ چَمَرِ، وَ شَارْتُو بَشِيُوِيَه. <sup>10</sup> دِ بَرُوَوَرِ خدَا  
 اَفْتَايَه بَايْتِ وَ اَوْ شِمَا نِه سَرْفِرَا زِ مِي كِه.

<sup>11</sup> اِ بَرَاوَرُو، دِ گَنِي يَكْتِرِي نُنِيْتِ. هَر كِه دِ گَنِي بَرَارِ خُوش بُوئَه يَا اَوْ نِه دَاوَرِي بَكِه،  
 دِ شَرِيْعَتِ گَنِ كُنْهَ وَ شَرِيْعَتِ نِه دَاوَرِي كِرْدَه. اَمَا اَر تُو شَرِيْعَتِ نِه دَاوَرِي بَكِي، دِ وَ  
 جَا اَوْرَنْدَش نِيْسِي، بَلِكِم دَاوَرِشِي! <sup>12</sup> تَنِيَا يَه قَانُونْكَدَارِ وَ يَه دَاوَرِ هِي، هِه وَه كِه  
 تُوئَه نَجَاتِ بِيئَه وَ هِيْلَاكْ بَكِه. اَمَا تُو كِيئِي كِه هُمَسَايَه دَاوَرِي بَكِي!

## فِي اُومَايَه دِ بَارَه صُو

<sup>13</sup> اِيْمَدَال، شِمَا كِه مُنِيْتِ: «اِيْمَرُو يَا صُو مِي رِيْمِ وَ فِلُوئَه شَهْرِ وَ سَالِي نِه دِ  
 اَوْچَه سَر مِي كِيْمِ وَ كَارِ وَ كَا سُووِي مُنِيْمِ وَ رَه وَ مَنْفَعَتِ مِي كِيْمِ»، خُو گُوشِ  
 بِيُرِيْتِ: <sup>14</sup> «اِ اِي حَالِ شِمَا هَنِي نُوْنِيْتِ صُو چِي مَوْتَه؛ زِيْنَه نِي شِمَا چِيْنَه؟ هِه  
 چِي كِرُوْدِي اِي هِيْسِيْتِ كِه گِرِي دِيَارِي مَوْتَه وَ دِ غِيُو مَوْتَه. <sup>15</sup> دِ جَالِشِ بَايْسِ  
 چِي بُئِيْتِ: «اَر خدَاوَنْدِ بَا حَا، زِيْنَه مِي مُونِيْمِ وَ چِنِي وَ چِنُو مِي كِيْمِ.» <sup>16</sup> دِ حَالِي كِه  
 شِمَا وَ غُورْتِي خُوْتُو مُنِيْتِ. هَر اَفْتَخَارِي كِه چِنِي بَا، كُنْهَ! <sup>17</sup> پَس، هَر كِه  
 دُونِسُوئَه چَه كَارِي دَرِيْسِ اَوْ وَه نِه نَكِه، كُنْهَ كِرْدَه.

5

## هُشْتَارِ وَ دُولَه مَن يَا

<sup>1</sup> اِيْمَدَالِ شِمَا اِ دُولَه مَن يَا، گِرِيُوَه رُو وَ لُوئَه بَكِيْتِ، سِي يِكِه چَمَرِ مِفْتَه دِ وَرْتُو.  
<sup>2</sup> مَالِ وَ مِيْنَالْتُو دِ بِيْنِ مِي رَه وَ جُوْمَه يَا تُو نِه بِيْدِ مُحُوْرَه! <sup>3</sup> طِيْلَا وَ نَقْرَه تُو زَنْگِ  
 مِي زِيْنَه، وَ زَنْگِ وَنُو وَ تِيْشِكْتُو شَاهَادَتِي مِيئَه وَ هِه چِي تَشِ، گُوشْتِ بَدِنْتُو نِه  
 مُحُوْرَه. شِمَا دِ اِي رُوْزِيَا اَخْرِ مَالِ وَ مِيْنَالِ اَنُوخْتَه كِرْدِيْتَه! <sup>4</sup> اِيْمَدَالِ دَسْمُزِ  
 كَارْگِرِيَايِي كِه زِمِيْنِيَا تُو نِه دَرُو كِرْدِنَه، وَ شِمَا وَ اَرِيْشِيْلَه دِ دِيْنِ مَزْشُو طَفْرَه رَتِيْتَه، وَ  
 تِيْشِكِ شِمَا هِيْلَاْتَه مِي يَارَه. اِ، هِيْلَاْتَه دِرُوْگِرِيَا وَ گُوشِ خدَاوَنْدِ لَشْگِرِيَا رَسْسَه.  
<sup>5</sup> شِمَا دِ رِي زِي وَ كِيْفِ وَ عِيْشِ وَ نُوْشِ زِيْنَه نِي كِرْدِيْتَه، شِمَا دِلْ خُوْتُو نِه سِي رُوْزِ  
 كُشْتَارِ پَرُوَارِ كِرْدِيْتَه! <sup>6</sup> شِمَا اَوْ پِيَا صَالِحِ نِه كِه وَ تِيْشِكِ شِمَا نِيْمَسَه، مَكُومِ  
 كِرْدِيْتَه وَ كُشْتِيْتَه.

طَاقْتِ اُوْرِدَه دِ مَوْقِعِ چَمَرِ

۷ پس ٻراڙو، تا موقع اوماين خداوند بگميت. سيل بکيت چطور کشاورز، ها  
 د نزاگه تا زمي ثمر قيمتي خوشه و بار بياره؛ چطور طاقت مي ياره تا بارونيا اول و  
 آخر يعني پايره و باهاره و زمي بواره. ۸ پس شما هم بگميت و دلنو فرص با، سي  
 يکه اوماين خداوند نزيگه! ۹ ٻراڙو، د يکترى شاکی نوئيت، نگه و شما هم داوری  
 بوئه، ايمدال «داور» اسائه و مين پيکره در.

۱۰! ٻراڙو، درس طاقت اورده د روزيا چمر نه، د پيغمرياي ياي بئيريت که و  
 نوم خداوند قصه کردن. ۱۱ ايمدال ايما و نوني نه هورم دونيم که سيمر ايسائه.  
 شما د باره پايري ايوب اشنفتيته، و ديئيته که خداوند دس آخر واش چي کرد،  
 سي يکه خداوند مربون و رحيم آ.

۱۲ ٻراڙونم، اما د همه مهمتر، يکه، قسم نهوريت؛ نه و آسمو، نه و زمي و نه  
 و هيچ چيئي هني. بئيليت «آ» شما هه او آ با و «نه» شما هه او نه با، نگه  
 مکوم بوئيت.

### دعاي وا ايمو

۱۳ کسی هي د ميئو که ها د عدو؟ بئيل دعا بگه؛ کسی هي که شاد آ؟ بئيل  
 سي خدا دنگ ستايش و راره. ۱۴ کسی هي که ناخوش آ؟ مشايخ کليسا نه جنا  
 بگه و ونو سيش دعا بگن و ونوم خداوند او نه و ارغو تدهين بگن. ۱۵ دعای وا  
 ايمو، ناخوشه شفا مئه و خداوند او نه د جا هيز مئه، و آر گنه اي کردونه،  
 آمرزيه موئه. ۱۶ پس و ته يکترى و گنه ياتو اعتراف بکيت و سي يکترى دعا  
 بکيت تا شفا بئيريت. دعا ايم صالح، و قدرت زياد عمل مي گه.  
 ۱۷ ايلياي نبی آيمي بي هه چي ايما، و هه که د ته دل دعا کرد که بارو نوازه،  
 سه سال و نيم بارو و زمي نوارس؛ ۱۸ و د سر دعا کرد و د آسمو بارو بارس و زمي  
 ثمر ده.

۱۹ ٻراڙونم، آر يکی د تو د حقيقت ول بوئه، و يکی هني او نه ورگردنه و اديما،  
 ۲۰ دونسوئه که هر گه گنه کاری نه د ره نادرس ورگردنه و اديما، جونيشه د مرگ  
 نجات دئه و گنه يا بي حد و حسوي نه پوشنه.